
EW NAMOPUNG

A FORATA EW COMMISSION WOON FUTURE POLITICAL STATUS ME ECONOMIC DEVELOPMENT; A PWAN AWORA MONIAN; ME PWAN REN EKKOCH POPUN.

EPWE PUNG ME REN EWE TRUK DISTRICT LEGISLATURE PWE:

Tetten 1. Forutaan. Sopun 9, Itenap 5, me non ewe Truk District Code iei a foruta ren an epwe iei ussun napanapan:

"Sopun 9

Commission woon Future Political Status me Economic Development

Tetten:

201. Forutaan
202. Choon
203. Katooun Choon
204. Ionfengeni Choon
205. Committee
206. Mwiichan
207. Wisan me an Angang
208. Chosa
209. Aninnis ren an Angang
210. Niwinin Choon
211. Kaworen Monien Iteiten Ier
212. Repot
213. Katanoon Pochokkunen och Kinikinin

Tetten 201. Forutaan. Iei a foruta ew Commission woon Future Political Status me Economic Development, epwe iteni Commission.

Tetten 202. Choon. Choon ei Commission repwe aramasen Trust Territory, pwan choon Chuuk.

(1) Choon seni pusin sakkun wiseer:

- (a) Kepinaan Chuuk;
- (b) Speaker non Truk District Legislature;
- (c) President non ewe Magistrate Conference non Chuuk;
- (d) Emon seni ewe Commission woon Future Political Status me Transition, a foruta

me ren Public Law No. 6-87, epwe finita
me ren ewe Truk District Legislature.

- (2) Choon epwe finita, fiti mefien me mwochenin ewe
Legislature ika menni Committee a finita pwe epwe
wisen tupuni ewe Legislature:
- (a) fomon repwe finita me ren ewe Kepina non Chuuk;
 - (b) fomon Legislators repwe finita me ren ewe Speaker
non ewe Truk District Legislature;
 - (c) emon Samon epwe finita me ren ewe President non
ewe Magistrates' Conference non Chuuk;
 - (d) emon epwe finita me ren tupun Chuuk kewe non ewe
Congressin Micronesia; pwan
 - (e) emon seni ewe Chamber of Commerce, epwe pusin
finita me ren ewe Chamber of Commerce non Chuuk.
- (3) Ekkewe choon ei Commission repwe finita, repwe wiis non
ukukun nangattamen ruu ier, iwe repwe finita iniik raan
murin ewe atun a kapunguno ei annuk.
- (4) Nupwen epwe poununo ew wiis me ren ekkewe repwe
finita, finitaan siwinin epwe pwan chok usun finitaan
ekewe me mwan, nge repwe chok wiis non ewe ukukun
fansoun esemwo muchchuno me ren ewe a tou.
- (5) Wiis mei poununo me ren ekkewe chon ei Commission mei
chooni seni pusin wiseer kewe, usun mei affat me non
Kinikinin-Tetten (1) me non Tetten 202 me non ei
Namopung, epwe usun chok finin me ren met mei affat me
non annuk, fan asengesin an epwe sopweno ew wiis mei
permanent ika temporary.

Tetten 203. Katoouun Choon ei Commission. Emon choon ei
Commission mei tongeni tou seni wisan ika pwe ese fori pungun angangen
wisan-we, ika ruu-na-unungatin choon ewe Commission ra tipeew-no pwe
epwe ne tou.

Tetten 204. Ionfengeni. Ewe Commission epwe suki an mwich esap
mmang seni one raan murin poputan pochokkunen ei Namopung, ewe Speaker
epwe wisen suki, i epwe wisen chairman on ar we mwichen ionfengeni,
non chok fansoun mwochomwooch, tori inet ewe Commission epwe tinata
emon epwe chairman non fansoun nangattam. Nenien me kunokun mwichen

ewe Commission epwe finien ewe Speaker. Ewe Commission mei pwan tongeni awora noun nouwiis pwan noun annukun mwokutukutun an angang nupwen epwe mefi pwe mei namwot pwan auchchea, epwe chok tipéew ngeni kapasen ei Sopun.

Tetten 205. Committee. Nupwen fansoun an ewe Commission a efisi an aewin mwiich, epwe kinietiw ewe Commission non ruu committee; epwe iteni committee woon Future Political Status me Economic Development, iwe epwe pwan awora ika affatatiw wisen me angangen ew ekkewe ruu committee, non met a mefi pwe epwe pung, pwan fiti chok popunapen ei Namopung. Ewe Commission mei pwan tongeni forata pwan ekkoch committee me nukun ekkewe, ika fen pwan kisin committee, ika pwe mei namwot non an nennengeni. Esap wor och sakkun puung epwe tongeni punguno me ren ew me ew ekkewe committee ika kinikinin ika kisin committee ika pwe esemwo kapungunno me ren ewe Commission.

Tetten 206. Mwiich. Ewe Commission epwe mwiich iteiten fansoun me non neni, epwe finita me ren ewe Chairman, ika me ren pusin ewe Commission. Ekkewe committees me kisin committee mei tongeni mwiich, ika ekkewe chairman non ekkewe committees me kinikinin committee mei tongeni akkoou mwiich, fiti chok met mei affat me ren ewe taropween kokkoon mwiich. Ruu-na-unungatin choon mwiich repwe nomw iwe a tongeni fis me angang mwiichen ewe Commission ren sakkopaten mwokutukutun, iwe mefien ukukun nape-ngeni choon ei Commission epwe tongeni fiis pwe ew puung, ika paas.

Tetten 207. Wisán me An Angang. Ewe Commission epwe awora an recommendations ngeni ewe Kepina non Chuuk me ewe Truk District Legislature, woon ekkeei mettoch:

- (1) Future Political Status ren Trust Territory me Chuuk;
- (2) Ewe Constitutionun ewe Federated States of Micronesia;
- (3) Forutaan me amwokutun ew constitution ren Chuuk faan pungun ewe Federated States of Micronesia;
- (4) Met an ewe Commission woon Future Political Status me Transition recommendation fan iten Chuuk; pwan
- (5) Amwokutun ewe Indicative Development Plan mei foruta fan pungun Annuk No. 6-56, ren met me met fan iten Chuuk.

Tetten 208. Chosa.

- (1) Committee.
 - (a) Ew committee-in chosa, an ewe Commission mei tongeni

ewe committee pusin, ika kinikinin committee, esap nap seni unumon choon.

(b) Ew quorum epwe nap seni nesopun ewe ukukun choon ewe committee.

(c) Esap wor och mettoch epwe foor ika pungunno ika pwe ese quorum ew committee nupwen fansoun an mwiich. Ewe committee mei tongeni fori an angang ika pwe mei nap seni nesopun mei tipeew ngeni, nupwen mei quorum, tiwenoon chok ika pwe ew annuk mei angaawa, pwan ika kapasen ei Nomopung mei affata pwe sakkono ukukun quorum me choon repwe tipeew ngeni.

(2) Mwiichen arongorong(Hearings). Ew Committee-in chosa mei tongeni afisi mwiichen arongorong mei namot pwan auchsa ngeni wisan we, non menni neni me fansoun ewe committee epwe pusin finata.

(3) Katooun Taropween Kokkoto Aramas non Pochokun.

(a) Ewe Chairmanun ewe Commission mei tongeni atou taropween kokkorato aramas non pochokun, pwan puken ika taropween pwarata, me pwan met sakkun pisekin pwarata me mwen ewe committee ika Commission, menni chok a weneiti, ren met mei angang woon.

(b) Ew committee-in chosa, seni tipeewin nap-seni nesopun choon, mei tongeni atou taropween kokkorato choon pwarata non pochokun, angeei puk me taropwe non pochokun, pwan ekkewe sakkun pisekin pwarata ren ewe mettoch mei awora an angang woon.

(c) Met taropween kokkoto, angeei, ika areesini, me pwan ekkoch napanap faan pochokunen ei Commission epwe tik non iten ewe Muun Truk District, iwe epwe address ngeni: Ewe Chief of Police non Chuuk, ika ngeni noun deputies, ika fen ew ekkewe municipality non Chuuk. Taropween kokkoto non pochokun, ika taropween arees, epwe sain iten ewe Chairmenun ewe Commission non, iwe epwe affatatiw kapasen ewe annuk ika tungor non, ewe a wisen apochokunna ewe kokkoto ika pwarata, epwe pwan affaatatiw met ewe ewe mettochun pwarata epwe kawor ren.

(d) Ioon nouwwis ewe taropwe a address ngeni, ika pwe mei chok mwokutun angangen wisaan-we, iwe epwe chok fori nge esap pwan angeei niwinin.

(3) Taropwe ngeni Choon Pwarata.

(a) Taropween kokkoto meinisin ren ewe committee-in chosa, epwe tori ewe aramas epwe pwarata, nimu raan me mwen poputaan ewe mwiich, chiinon chok ika nap seni nesopun choon ewe committee mei tipeew ngeni pwe epwe chok mochomoch seni nimu raan an ewe taropwe epwe tori ewe choon pwarata, ika pwe ra pusin ekieki pwe ewe ukukun nimu raan ese pwan koon nien namot an epwe ina ukukun, nge ika pwe epwe kukkun seni nimu raan an ewe taropwe epwe tori emon-newe iwe epwe chok naaf fansoun an epwe sineei atun ewe mwiich, fiti chok met mei tufich non ewe fansoun.

(b) Ewe aramas a kokkoto ngeni ewe mwiich ren an epwe pwarata, epwe wor kapasen asinengeni usun me meta popunapen an ewe Committee mochen chuuri ika met ewe committee e mochen chuuri woon, epwe pwan sineei pwe mei tongeni uweei emon noun choon anisi ika sou annuk ren an epwe anisi, epwe pusin finata.

(4) Napanapen Mwiich.

(a) Meinisin mwiich ika hearings epwe suuk ngeni ese nifinifin aramas, chinon chok ika pwe ewe committee, fan tipeewin ruu-na-unungatin choon mwiich mei tipeew pwe ewe mwiich esap suuk ngeni aramas ese nifinifin.

(b) Ewe Chairman non ewe Committee, ika pwe mei nomw, epwe wisen nemeni mwiich, epwe pwan nemeni kapas eis seni choon ewe mwiich, ika seni noun ewe committee sou annuk, ika fen noun ewe committee staff mei fiti ewe mwiich pwan kapas eis non. Nge nupwen ewe Chairman ese nomw non mwiich, ika ese tufichin fori an we angang, iwe ewe Vice-Chairman epwe wisen aani ewe angang.

(c) Esap wor mwiichen ewe sakkun committee epwe appio non asepwaan, ika pwe ese kapungunno me

ren ewe committee, epwe pungunno non ar fout
pwe nap seni nesopun choon rese apunganno an
epwe appio.

(5) Tufichin Choon Pwarata ne Nounou Sou-Annuk me Kaworen Kapas-Eis.

- (a) Choon pwarata non ewe committeein chosa epwe wor noun sou-annuk epwe pusin kut, ren an epwe pusin aitingeni ewe choon pwarata usun an kewe rights, fiti koukunoon me ren ewe Committee ren an esap pwan koon nien eppet, angawa fetanen me mwokutukutun ewe mwiich.
- (b) Ewe choon pwarata ika noun we choon anisi (sou-annuk) mei pwan tongeni awora ngeni ewe committee ekkoch kapas eis, non taropwe ren an ewe committee epwe nounou ne eisini ewe choon pwarata, ika pwan ioon epwe pwan pwarata woon ewe mettoch mei wor angang woon, woon ukukun fite kapas eis ewe committee a mochen eis fan asengessin ewe mettoch mei wor angang woon.

(6) Pwarata:

- (a) Ewe committee mei aani ewe chosa, epwe fori rekotun masowen ewe mwiich, fongon me ewe pwarata mei katonong, ena rekot epwe pachenong mefien ewe chairman, ekkewe kapas eis mei katonong me ren choon ewe committee me noun kewe staff, ukukun an choon pwarata poraus meinisin, kapasen pwon mei tonong ngeni ewe committee seni choon pwarata, me pwan ewe committee ika ewe chairman epwe pwan finata.
- (b) Pwarata meinisin mei tonong ngeni ewe committee epwe fiti pwon me annetata, ika pwe ewe committee a mochen an epwe ina usun.
- (c) Ewe choon nemeni mwiich mei tongeni appwona ika fori pwon ngeni ioon choon pwarata ngeni ewe committee.
- (d) Ewe choon nemeni mwiichen ewe committee mei tongeni an epwe apochokuna ngeni choon pwarata

pwe repwe ponuwani kapas eis mei namot,
pwan apochokuna ngeni an epwe awora met
sakkun pisekin pwarata mei namot ren puk,
taropwe, me pwan meta sakkun taropwe mei
aucha ngeni porausen ewe mettoch mei wor
angang woon, ika pwe kaworen ekkewe met-
toch mei fen apochokun me non ewe sapina.
Chiinon chok ika pwe nap seni nesopwun
choon ewe committee mei nomw rese tipeew
ngeni non ar uttut, nge annea-sonap epwe
ew foffoorungaw epwe kapung ren.

- (e) Ewe choon pwarata, ika noun-we choon
anisi(sou-annuk), fiti tipeewin nap seni
nesopwun choon ewe committee mei fiti
mwiich, mei tongeni atononga met an pisekin
pwarata ren an poraus mei fori pwon woon,
ren an epwe katonong non ewe rekotun ewe
mwiich, mei auchea ngeni ewe mettoch ewe
committee mei angang woon.
- (f) Ewe choon pwarata, seni an tungor mei tongeni
angeei non pusin an nuus, echo kapiin an we
poraus ika pwarata ngeni ewe committee, ika
pwe mei nomw ren ewe committee kapiin.
- (g) Poraus ika pisekin pwarata mei katonong ngeni
ewe committee non an mwiich mei pinepin ngeni
aramas, chiinon chok ika pwe mei fiti tipee-
win nap seni nesopwun choon ewe committee
epwe wisen atou ewe mettoch.
- (h) Meinsin poraus mei angangawa aramas ika
napanapangaw mei katonong non mwiichen com-
mittee, mei pinepin ngeni aramas ika esemwo
pinepin ngeni aramas ar repwe fiti, epwe nomw
non tettenin mei monomon, esap tongeni tou.
Ena sakkun poraus ika pwarata esap tongeni
katoou ngeni emon chiinon chok ika pwe mei
mumuta seni nap seni nesopwun choon ewe com-
mittee non ar uttut, ika pwe epwe tou ren fan

iten mwokutukutun forun annuk, ika mei wor
tungorun me non imwen kapung.

(7) Aramas mei Pwapwaiti.

(a) Ioon aramas mei pa non ewe pwarata, ika itan mei
fou non an choon pwarata poraus, mefien ewe
committee pwe mei tongeni feiengaw ren ewe po-
raus, mei tongeni, seni an tungor ngeni ioon
chok choon ewe committee, pusin churi ewe committee
woon pusin winikapan, ren an epwe pwarata fan pusin
itan, ika seni netipen ewe committee, epwe atononga
an poraus a pwon woon, ren met ukukun an pwarata,
ren an epwe pachenong non ewe rekotun ewe mwich.

(b) Ika pwe mei fiti tipeewin nap seni nesopwun ewe com-
mittee, ewe committee mei tongeni mutata emon aramas
e mwochen pwarata ngeni ewe committee woon och met-
toch ew committee mei angang woon, ika i mei pwan
tongeni awora ngeni ewe committee an pisekin pwa-
rata ika an poraus non pwon, ren an epwe katonong
non ewe rekotun committee. Esap wor tungoren pwa-
ta, ika an emon churi ewe committee, ika katonongen
mettoch ngeni ewe committee epwe auku an ewe com-
mittee pochokunen kokkooto ika angeei mettoch ren
an mwochen.

(c) Ioon choon pwarata me mwen ewe committee-in choosa,
epwe wor ren ekkewe sakkun tufichin mettoch ren
rights, privileges, me responsibilities mei mumuta
ngeni emon choon pwarata (witness) me ren ei Namopung.

(8) Kapungun Ungeni Puung (Contempt):

(a) Emon aramas mei tongeni tipis me ren ewe committee
ren an:

(i) ese fori ika chipwang an epwe churi ewe com-
mittee nge mei wor noun taropween kokkooto ngeni
ewe committee, ika mei fen churi ewe committee,
nge ese mwochen apasa ika pwarata non pwon an
poraus ngeni ewe committee;

(ii) ese mwochen ponuwani kapas eis mei auchea,
ika chipwang awora ekkewe mettoch ren book,

taropwe me pwan ekkewe sakkun mettoch ewe committee mei atouu taropween pochokkunen angei; ika

(iii) a fori napanapen asamwonungaw faan mesen ewe committee, ren an efitikoko ngeni mwokutukutun ewe committee fansoun mwich, ren an pwarano an ese mwochen fori ika a-pwonuweta an ewe committee order, ika ren an akurang ika ataeno kinamween non ewe nenien ika arun ewe nenien mwich, ren an afitikoko ngeni emon nouwiisin ewe committee, nupwen fansoun an ewe nouwiis mei fori angangen wisan-we me ren ewe committee, ren an eppet ika amwochu emon ita choon pwarata, ika pwan fori met epwe nuwokkus ren pwe esap pwarata.

(b) Ewe Committee, fiti tipeewin nap seni nesopun choon, epwe repoteei ngeni ewe Chairman un ewe Commission, ika mei wor kapungun ungeni pungun mwich(contempt). Iwe ewe Chairman epwe annetata ngeni ewe Attorney General ika ewe District Attorney pwe mei wor contempt, ren ar repwe attipisi ewe mei fofforongaw non menni chok imwen kapung non Trust Territory a wenengeni.

(9) Tipisin.

(a) Ioon a tipis non tipisin ungeni puung, fan pungun ei Namopung, ika pwe a punguno pwe a tipis, iwe epwe pakking woon ukukun esap nap seni \$1,000 ika kanupus non fansoun esap nangattam seni ew ier, ika fen ir me ru.

(b) Ika pwe ewe committee a pusin napanapangaw ren met me met mei punguno me non ei Namopung nge ese fori, iwe ewechon kokkooto non pochokkun, ika mettoch ren puk, taropwe me metekanan, ita uruurun epwe katonong ngeni

ewe committee, esap chiwen fiti pochokkunen
ewe sapina, ika esap pwan awora ekkewe mettoch
ewe committee a apochokkuna ngeni an epwe
awora, iwe ewe napanapangaw ewe committee a fori
epwe ne fis pwe ew popun an esap tipis ren ungeni
puung.

(c) Choon pwarata ika kokkooto ngeni committee
epwe wor ren ekkewe chok tufichin kepichino seni
pochokkunen kokkooto ren an epwe pwarata me
pochokkunen an epwe awora puk, taropwe me
pisekin pwarata ngeni committee mei:

(i) affat me ren Kinikin V me non ewe Trust
Territory Rules of Evidence; ika

(ii) mei affat me non ewe Trust Territory
Bill of Rights ika pwan met sakkun annuk mei
wor pochokkunan non Trust Territory won
akkawenewenen ekkei mettoch.

(d) Ioon aramas, me nukun ekkewe chon kokkooto,
fiti noun choon anisi ika sou-annuk, e ataa
kapasen kinikin (g) ika (h) me non Kinikinin
Tetten (6) me non ei Tetten, ika pwe a punguno
pwe a tipis- epwe pakking won ukukun esap nap
seni \$500.00 chana ika kanupus non fansoun esap
nangattam seni onu maram, ika ir me ruu. Ewe
Attorney General ika ewe District Attorney fan
pusin an ammwokut, ika fan an emon aramas mei
feiangaw ika napanapangaw ren poraus mei
aitengawa nge esemwo wor mumutaan ewe poraus an
epwe katonong ika kawor, mochen, epwe fori
taropwen kapungun ewe mettoch e afeiangawa fiti
angangen ettipisi woon ekkewe tipis mei kawor me
non ei Sopun.

Tetten 209. Aninnis ren an Angang.

(1) Ewe Commission me an kewe committees repwe angei ar
aninnis nupwen ar fori angangen wiseer me ren:

(a) Noun Legislature kewe staff, ren aninnisin angangen

ewe commission nupwen mei namwot; pwan

(b) Nouwiisin me choon angangen ewe Muun Truk District. repwe tipemecheres ngeni ewe Commission ika an kewe committees, repwe awora information me pwan sakkun aninnis ewe Commission epwe awora tungorun.

(2) Ewe Commission mei tongeni awora contract ngeni ika aninnis seni ekkewe sakkun aramas mei sinenap non pekin administrative, technical, stenographic me angangen secretary mei auchea ren angangen ewe Commission.

Tetten 210. Niwin.

(1) Choon ei Commission repwe angei ukukun iniik me nimw chana (\$35.00) ew ran nupwen fansoun ir mei fori angangen wis- eer we chinoon chok ren ekkei:

(a) Choon ewe Congressin Micronesia resap niwin seni ei Commission.

(b) Nouwiisin me choon angangen ewe Muun Truk District, resap pwan niwin seni ewe Commission nupwen ir mei pwan angei niwiniir seni ar kewe keangen angang.

(2) Meinisin choon ei Commission repwe tufichin angei ar aninnis ren ar saai me per diem non aukukun an Trust Territory we aukuk, nupwen ir mei fori angangen wiser we me non ewe Commission me committee.

Tetten 211. Kaworen Monien Iteiten Ier. Iei a mumuta an epwe kawor, seni ewe Monienapen Legislature, monien iteiten ier ran fan asengesin angangen me mwokutukutun ei Sopun.

Tetten 212. Repot. Ewe Commission epwe awora an repotun iteiten ier woon mwokutukutun an angang ngeni ewe Truk District Legislature non May 1, iteiten ier, ika pwan non menni fansoun ewe Legislature a ekieki pwe mei namwot.


Tetten 213. Katanoon Pochokkunen och Kinikin. Ika pwe och kin- ikinin ei Namopung ika apochokkunan ngeni emon aramas ika och mettoch, a kataano pochokkunan, ei kinikin mei katano pochokkunan esap pwan angawa ika ataeno pochokkunen unusen ewe Namopung pochokkunan mei chok fis."


Tetten 2. Kaworen Moni. Iei a kawor ukukun engon chana (\$10,000) seni ewe Monienapen Legislature, ren fan asengesin monien ewe Commission won Future

Political Status me Economic Development non Chuuk.

Tetten 3. Niwinsefanin' Moni. Met ukukun nussun ei moni mei kawor, esemwo it ne nounou ika nussuno tori non September 30, 1977, epwe niwinsefaniti ewe Monienapen Legislature.

Tetten 4. Poputan Pochokkunan. Ei Namopung epwe poputa pochokkunan fansoun chok an a kapunguno me ren ewe Kepina non Chuuk, ika fansoun chok an a pusin winiti annuk, inamwo ika esemwo chiwen kapunguno.

Sain seni: 
Koichi Sana, Speaker
Truk District Legislature

Annetata: 
Datasy Albert
Legislative Clerk/Secretary
Truk District Legislature

Pwinin maram: 7/29/76

Kapunguno seni: 
Erhart Aten
Acting District Administrator, Truk

Pwinin maram: August 27, 1976